



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

XLIV. Albertus I.

[urn:nbn:de:hbz:466:1-70477](#)

ne Ludouici Imperatoris ab anathemate. Sed in irri-
tum cecidit legatio, ut videre licet apud Albertum
Argentinensem in Chronico.

XLIV. Albertus I.

Ex nobili sanguine Nobilium de Hohenfels, Ca-
nonicus & Præpositus Eystettenensis & Administrator,
post obitum Henrici à Capitulo concorditer ad san-
cti Willibaldi thronum electus, anno M. C C C.
XLIV. in Martio, confirmatus à Moguntino Metro-
politano Henrico huius nominis Tertio, quem po-
stea Clemens VI. Papa, quod excommunicatis adhe-
reret; de sede depositus; Qua de re consule Serarium,
lib. 5. rerum Mogunt.

In Albertum quoque depositionis sententia lata
est, quod Clemens Pontifex diceret; Episcopos elige-
re & dare sui iuris ac fori esse. Itaque in Alberti locum
Berchtoldum Norimbergensem Burgrauium subro-
gauit anno Domini M. CCC. L I. Qui Aichstadium
veniens, facile Albertum gubernationis socium tulit;
donec tandem ad meliorem vitam translatus est, quod
contigit anno M. CCC. LV. in Ianuario. Nam Berch-
toldus spiritualia potissimum curabat; Albertus ad-
ministratio nomine, temporalia: quem M. S. Co-
dex valdefidelem, sapientem ac industrium appellat, qui
per VII. annos vel circiter laudabiliter, pacifice & quiete
præfuerit, qui que maxima debita soluerit, recuperatis castris
& bonis, quæ ab Episcopatu ab alienata, & à diuersis inuaso-
ribus occupata fuerant; quia ut ait Codex M. S. pecuniosus
erat & parcus. Sepultus est in summo Templo ante
S. Willibaldi chorum propè Baptisterium, ut ait Bru-
schius. Quod autem VII. annos vel circiter præfuisse
dicitur, id referendum est ad tempus, quo Berchtol-

Q q 2 dus

dus Ecclesiæ habendas accepit; nam ab Electione eius
vsque ad mortem sunt anni plures nempe X I. Caruit
maioribus ordinibus, vt ait M. S. Codex. Vide Henri-
cum Rebdorffensem in Annalibus anno M. CCC.
XLV. & anno M. CCC.XLVIII.

XLV. Berchtoldus.

Ex Illustrissima Burgrauiorum Norimbergen-
sium familia. A XIII. ætatis anno vsquead XXX. sa-
cro Teutonicorum Ordini adscriptus, Deo & Eccle-
siæ militauit, Comm̄dator Provincialis in Prussia & Fran-
conia floridus euo, corpore spectabilis, industria commenda-
bilis, vt ait M. S. Codex, qui XX XI. vel circiter ætatis
suæ anno Clementis VI I. studio, tiara Eystettensis re-
dimitus est anno M. CCC. L I. Feria secunda Rogationum,
quæ tunc in VIII. Kalend. Iunij incidebat,
quam annis XIV. tenuit; mortuus anno M. CCC.
L X V. sepultus in Monasterio Heilsbrunnensi; solen-
ni maiorum suorum Burgrauiorum ad sepulturam
loco. Caruit maioribus Ordinibus, cum à Clemente
Episcopus designatus est; sed concessione Pontificia
Ordinibus statim iniciatur; Subdiaconatu, die Ascen-
sionis Domini, Diaconatu in Vigilia Pentecostes; se-
quenti Sabbato quatuor temporum, sacerdotio, po-
stridie in ipso SS. Trinitatis festo Episcopali charac-
te. Aliud præferre videtur editio Henrici Rebdorff-
ensis; sed res ita se habet, vt dixi. Jura Ecclesiæ suæ gna-
uiter defendit & ab inuasoribus afferuit; pace vbiique
& apud Clerum, & apud populum plantata. De quo
commemoratione dignum est, quod in M. S. Codice
traditur his verbis: *Ipse etiam pater venerandus præcun-
ctis vicinis seu vicinarum seu fortè remotarum Ecclesiarum
Episco-*